



XUSTIFICACIÓN DAS AXUDAS DA SECRETARÍA XERAL DA IGUALDADE A ENTIDADES LOCAIS 2012 (SI427B): Programa de apoio aos centros de información ás mulleres

A **data límite** de presentación da xustificación é o **30 de novembro de 2012** e realizarase de acordo co establecido no artigo 16º das bases reguladoras aprobadas pola Resolución de 5 de abril de 2011 e publicadas no DOG do 11 de abril de 2011 .

As **entidades beneficiarias** presentarán, conforme ao disposto nese artigo, a documentación acreditativa que se sinala, nun único exemplar orixinal:

1. **ANEXO X**: solicitude de cobramento asinada (formulario publicado na Resolución de 5 de abril de 2011, DOG do 11-04-2011).
2. **ANEXO XI**: certificación de gastos realizados e da súa finalidade (formulario publicado na Resolución de 5 de abril de 2011, DOG do 11-04-2011). Nesta certificación teñen que incluírse todos os gastos do proxecto segundo o indicado pola entidade na súa solicitude, independentemente de seren gastos subvencionables.
3. **ANEXO V**: declaración de axudas actualizada á data de xustificación (formulario publicado na Resolución de 4 de xaneiro de 2012, DOG do 11-01-2012).
4. **ANEXO IX**: certificación de persoal (formulario publicado na Resolución de 4 de xaneiro de 2012, DOG do 11-01-2012). Nesta certificación deberán constar os custos efectivamente realizados correspondente ao persoal ao que se refire o artigo 4 das bases reguladoras. Para o caso do persoal que ocupe postos de traballo vinculados á modalidade de axuda tipo incentivo, deberá achegarse informe de vida laboral da TXSS das ditas persoas que reflecta a alta desde o inicio da súa relación laboral.
5. **FOTOGRAFÍAS** do lugar de realización da acción subvencionada.
6. As entidades que sexan beneficiarias de subvencións para gastos de persoal derivados de contratacións eventuais ou mercantís, deberán presentar, xunto cos documentos sinalados nos apartados anteriores, as **FACTURAS ORIXINAIS** (ou documentos de valor probatorio equivalente) acreditativas dos gastos subvencionados xunto cos **XUSTIFICANTES BANCARIOS** que acrediten o seu pagamento, presentaranse ordenadas conforme á relación clasificada dos gastos certificados e a cada unha xuntarase o correspondente xustificante de pagamento no que deberá constar, tal e como se establece nas bases reguladoras, o número de factura obxecto de pagamento, a identificación da persoa pagadora e da destinataria do pagamento que deberá coincidir coa persoa, empresa ou entidade que emite a factura. No caso de que un xustificante de pagamento inclúa varias facturas, deberán identificarse no documento do pagamento as facturas das que é obxecto. No caso de nóminas, acompañaranse dos seguros sociais e da retención a conta do imposto do IRPF, xunto cos xustificantes bancarios que acrediten o seu pagamento.

Os gastos que se subvencionarán deberán respectar o disposto na Orde TIN/2965/2008, do 14 de outubro, pola que se determinan os gastos subvencionables polo Fondo Social Europeo durante o período de programación 2007-2013 e na Orde TIN/788/2009, do 25 de marzo, que a modifica e o establecido ao respecto nas bases reguladoras. **En todo caso debe terse en conta que:**

- ✓ Os gastos de persoal que non estean vinculados a modalidade de axuda por incentivo xustificanse con **nóminas pagadas**, documentos de **cotización** á Seguridade Social pagados e documentos acreditativos da **retención** a conta do IRPF, xustificando a asignación da persoa ás tarefas, as súas funcións e competencias e o tempo desempeñado.



UNIÓN EUROPEA
Fondo Social Europeo
"O FSE inviste no teu futuro"



XUNTA DE GALICIA
PRESIDENCIA
Secretaría Xeral da Igualdade

Edificio Administrativo de San Lázaro, s/n
15781 Santiago de Compostela
Telf.: 981 957 691 Fax: 981 957 690
igualdade@xunta.es
http://igualdade.xunta.es/

- ✓ Cando o programa fora financiado, ademais de coa subvención, con fondos propios ou outras axudas ou recursos, deberá acreditarse na xustificación o importe, **procedencia e aplicación de tales fondos** ao programa subvencionado.
- ✓ A data límite de xustificación é a data límite de realización de gastos e tamén a data límite de realización dos pagamentos dos ditos gastos, sen prexuízo do disposto no punto 2 do artigo 16º das bases reguladoras.

PUBLICIDADE DO CARÁCTER PÚBLICO DO FINANCIAMENTO.

As entidades beneficiarias deberán **dar a adecuada publicidade** do carácter público do financiamento en todas as actuacións que deriven da execución do proxecto, en cumprimento do artigo 15º.3 da Lei 9/2007, do 13 de xuño, de subvencións de Galicia. En concreto, deberán facer constar, na súa publicidade ou na información que xeren en relación co proxecto subvencionado, o financiamento das súas actuacións con fondos da Xunta de Galicia a través da Secretaría Xeral da Igualdade e do Fondo Social Europeo. Para isto, no lugar onde se realicen as actuacións deberá figurar, de forma visible, un **cartel informativo** no cal aparezan os anagramas da Secretaría Xeral da Igualdade da Xunta de Galicia e do Fondo Social Europeo en aplicación do disposto na normativa aplicable. Na páxina web oficial da Secretaría Xeral da Igualdade infórmase das características do dito cartel e dos logos e lendas de obrigada inclusión.

Cando o proxecto teña publicidade nun sitio da internet, deberán figurar na súa páxina de inicio e en lugar visible as citadas referencias; cando se materialice nunha aplicación informática deberán facerse as citadas referencias na zona de inicio ou menú principal da aplicación informática, así como na epígrafe de información da aplicación (axuda, acerca de ou similares).

Cando o proxecto dera lugar a documentación (manuais, cadernos, enquisas, folletos, notas informativas, CD-Rom) deberán constar na dita documentación as citadas referencias, colocándose na contraportada no caso das publicacións.

Para calquera dúbida ou aclaración pode enviar a súa consulta ao enderezo
promocion.igualdade@xunta.es